

琉球國中山王□^①子尙 爲咨□^②事照得
咸豐參年肆月拾玖貳拾壹貳拾參等日
有亞美理堅提督坐駕火輪船壹隻率同
兵船肆隻先後到國隨卽委官訪問來歷
據通事口稱本船係亞美理堅欽差大臣
兼水師提督被理所坐其餘肆隻係其屬
官所坐本月初拾日在上海縣一齊開船
直到貴國現在各船一切日用物件特撥
腳船開單需索必有遲滯不便乞令小官
伍陸名上岸寄居以便備辦物件事關提
督大人鈞諭等由隨著辭其寄居該提督
不肯聽從乃於貳拾參日強令小官參名
上岸居住嗣據提督啓稱要定本月參拾
日攜帶官兵進到王宮面會大臣以鳴備
辦物件之謝等由當卽飭官具文懇請在
他公廨相會鳴謝該夷大怒不□^③□參拾

日果提兵卒浩□^④蕩蕩擅自闖□^⑤宮中敝
國無力可支乃着大臣相會該夷既行謝
禮又告以通和結好隨卽具由請辭該夷
默然引兵而歸伍月貳拾貳日又亞船貳
隻到來壹船搭有華人貳名擅自上岸與
咱噠吟同居一室該船貳隻未幾回去至
伍月貳拾伍貳拾陸等日該提督船率同
原船參隻先後開去乃留壹隻在國至陸
月貳拾貳拾貳等日該提督船率同原船
貳隻先後再來壹船不知駛去何處旋據
提督啓稱乞准於小官所居近邊起廠一
間收藏煤炭又收買貴國各樣土布漆器
磁器等物等由隨着具文請辭該提督艱
然大怒乃云倘不允所請直入王宮親見
國王陳請意在必行敝國無法可施暫着
准行至貳拾柒日該提督船率□^⑥□船貳

① 亞船力
② 太ノ誤力
③ 得以力

隻放洋回去柒月初貳日又有□□壹隻
裝運煤炭收藏廠內未幾開去柒月初陸
日又有亞國火輪船壹隻到來於拾陸日
開洋回去所留亞船壹隻訪聞近日開洋
回去卽飭懇請在船亞官攜帶所留小官
參名一同回去該官不肯聽從卻稱提督
曾有命仍將亞人捌名華人肆名上岸加
留于捌月貳拾玖日開船回去現今壹拾
伍名留國未回查該亞國提督率同兵船
數隻任意往來遂使小官等上岸寄居併
起一廠收貯煤炭甚至託事入宮且與嘆
人啖嘆吟往來不絕其心難以窺測不知
日後其兇暴如何憂慮深切寢饋難安現
在該啖嘆吟尚未撤回屢經咨請煩擾而
又爲此籲請深爲恐懼但敝國僻處海隅
全仗

天朝德威永享大平今已如此固不□□不委
曲哀請求其救援統祈

貴司據情轉詳

督撫兩院妥爲查辦告諭亞酋迅撥船隻接

取小官等壹拾伍名回籍俾敝國得以安

靖茲際接

貢入閩理合咨請爲此備咨

貴司請煩查照施行須至咨者

右咨

福建等處承宣布政使司

咸豐參年玖月 十九 日